

# DISSERTATIO

IN AVGVRALIS

MEDICO-PRACTICA

DE

# PODAGRA,

Q V A M

ANNVENTE INCLYTA FACVLTATE

M E D I C A

IN

ANTIQVISSIMA ET CELEBERRIMA

VNIVERSITATE VINDOBONENSI

PVBLICAE DISQVISIONI SVBMITTIT

WOLFGANGVS PICHLER,

CARINTHVVS GRADENSIS

DISPVTABITVR IN VNIVERSITATIS PALATIO

die      Mensis      Aprilis


MDCCLXXXIV.

*Diam*  
*1780*

---

V I E N N A E,

EX TYPOGRAPHIA BAVMEISTERIANÆ.



IOSEPHO FRANCISCO  
ANTONIO

S. R. I. PRINCIPI

ET

EPISCOPO EXEMPTO  
PASSAVIENSI

EX

ILLVSTRI DOMO PRINCIP. IMPER.

DE

AVERSPERG

IN MONVMENTVM GRATITVDINIS PERPETVAE  
DICAT HAS PRIMITIAS

*Clientum infimus*

Wolfgangus Pichler.

THE UNIVERSITY OF CHICAGO

LIBRARY

1900

1900

1900

1900

1900

ATTENTION

1900

1900

1900

1900

1900

1900

1900

---

# DE PODAGRA.

## §. I.

Quamvis mihi proposuerim præcipue de podagra disere, quam regularem, & exquisitam jam facile est a doloribus rheumaticis distinguere; tamen non abs re duco, notas quasdam características adnotare, quibus vera acritis in genere a rheumatismo differre observatur, cum ab omni tempore pessimo nonnunquam errore practico confunderentur hi duo morbi; idque eo facilius, quod sæpe uterque adsit in eodem subiecto, & nonnunquam rheumatismus pertinax, neglectu, aut inepta medela inveteratus in veram abeat artritidem. Sunt autem sequentia, quibus distinguas.

**1.** Rheumatismus omni tempore, omnem omnis ætatis hominem in reliquis nonnunquam sanissimum, subito, ex cognita sæpe, levique causa aggreditur; cum artritidis certa tantum subjecta amet, ejusque causæ sint magis obstrusæ, graviores, remotiores, successive, & quasi clanculum agentes.

**2.** Dantur homines, qui semel tantum in tota vita rheumatismo vexantur; hinc is bene fugatus, redire non adeo confuevit, uti artritidis, quæ semel præfens, & infestans certis periodis ad stricta perpetuo redit.

**3.** Artritidem non quidem dixerim contagio, quamvis & id multi velint, sed vitio hæreditario propagari certum est; sed æque certum est, rheumatismum neque contagio, neque hæreditate propagari.

**4.** Arthritis semper signis læsæ digestionis stipatur, causasque numerat ejus naturæ, qua præcipue actionem primarum viarum destruere valent; unde etiam anorexia, ructus, flatus, cru-

7

---

eruditates, cardialgia, halitus fœtens, alvus morosa cum torpore, & gravitate membrorum plerumque prodromi artritidis notantur. Si hæc rheumatismum comitantur, casui, non morbo adscribes.

5. In rheumatismo plerumque febris excipit dolorem; in artritide vero cessat, quamprimum pars affecta tumere incipit.

6. Rheumatismi chronici, quo vetustiores, eo libentius in parte, cui insederunt, figuntur locum vix unquam mutantes; artritidis vero, quo vetustior, eo magis locum mutare amat.

7. Sedes artritidis præcipue in ligamentis capsularibus articulorum est; dum rheumatismus latius diffunditur, & potius cellulosa musculorum occupat.

8. Rheumatismus satis cito sæpe curatur; arthritis (credo) nunquam.

9. Ille cedit sæpe remediis, quæ huic nocent, & contra. Sic e. g. temporales dolores arthriticos mitigat, exacerbatur rheumaticos, si chronicos, & frigidos excipias.

10. In arthritide urina, & alvus fœtent.

11. Arthritis retropulsa præ reliquis partibus internis infestat ventriculum, pulmones, intestina, renes, & encephalon; rheumatismus vero potius collum, hepatis, lienem, diaphragma, & vesicam urinariam, quamvis id etiam non constanter verum sit, de quo nos dysenteria simplex convincit, quam sub idea rheumatismi depositi ad intestina concipimus.

12. Arthritis, præterquam quod majores articulos occupet, præcipue minores phalangum pedis, & manus obsidet, quod raro rheumatismus confuevit.

13. Affinitas materiæ arthriticæ cum calculosa, quam clariss. CLERK ex PRINGLE affert, non extenditur ad rheumatismum.



ricam. Vidit autem hic in urina ar-  
triticorum fila natantia, quæ exempta  
pellucet, exsiccata vero nil, nisi ter-  
ram albam calcaream sistunt, quam  
pro communi materie artritidis, & cal-  
culi habet.

14. In rheumatismis nunquam in  
ambitu articuli concreciones illæ cre-  
taceæ oriuntur, quas in artritide sæ-  
pius vexante jam, sub tophorum no-  
mine observamus.

15. Etiam in causis notabilis dif-  
ferentiaprehenditur; nunquam enim  
eæ, quæ artritidem invitant, defectus  
exercitii corporis, venus nimium ex-  
culta, & lautum vitæ genus per se  
rheumatismum effecerunt.

## §. II.

Præmissis his jam ipsam podagram  
pertractare aggredior. Pertinet autem  
podagra ad familiam artritidis, matris  
communis chyragræ, gonageæ, lumba-  
ginis, et ischiadis artritice, inter se  
non natura, sed solo loco distinctam,  
quam

quam definiunt sub doloribus articularibus periodicis vere nempe, et autumnino recurrentibus, qui, dum pedes infestant, podagram constituunt.

*Divisio* ejus obtinet *1<sup>ma</sup>* ratione originis in *hæreditariam*, et *acquisitam*. *2<sup>do</sup>* ratione typi in *regularem*, seu *formatam*, et *irregularem*. *3<sup>tio</sup>* maxime practica in *depositam*, et *retropressam*, seu *anomalam* SYDENHAMI.

*Sedem morbi* ponunt in minimis vasculis tendinum, ligamentorum, et membranarum periostei maxime circa articulos.

### §. III.

*Causam proximam* genuini practici ignorari fatentur; interim illam concipiunt in singulari quadam, et specifica acrimonica, et viscositate tenuissimorum humorum cum obstructione, et rigiditate vasculorum minimorum juncta simul debilitate primarum viarum.

*Re-*

*Remotæ* vero plurimæ observantur: Fœminis, pueris, et eunuchis ab hoc morbo exceptis, prædisponunt parentes podagrici, sexus virilis habitu corporis laxo cum capite grandi, senium, vita mollis, lauta, et simul sedentaria omissis exercitiis antea confectis, compotatio vinorum præcipue acidorum intemperata, venus præmatura in ingressu pubertatis jam exculpta, aut ferior, sed nimia, studia diu, noctuque culta, et animi pathemata varia præcipue mœror. Excitat forte suppressum perspirabile vere, et autumno. Annon etiam aliæ febres epidemicæ, vel stationariæ vices causæ excitantis agunt? saltem complicatum paroxysmum podagricum cum febre biliosa, dum illa stationem occupaverit, ipse vidi, methodo antibiliosa in normam redactum.

Videmus omnes has causas in eo convenire, quod actionem ventriculi, et intestinorum debilitare, et vario modo depravare valeant in damnum ulteriorum coctionum; verum ne utique conceptum exhibere, quomodo hæ,

hæ, quotquot sunt, tales mutationes in solidis, et fluidis corporis humani inducant, quibus factis necesse sit, hunc morbum poni; neque spero unquam nos hac in re multum profecturos, cum lateant illæ singulares conditiones, quæ efficiunt, ut applicatu harum causarum hic, et non alius morbus producat.

#### §. IV.

Quemadmodum mancam adhuc causarum enucleationem dolemus apud omnes practicos, ita de elegantissima symptomatum descriptione gaudemus in SYDENHAMI tractatu de podagra, quam pro ambitu dissertationis extraxisse solum scopus erat, meisque confratribus ex ipso fonte uberius hauriendam commendo.

Paroxysmus plerumque subito invadens miserum e somno excitat ad cruciatus ingentes. Nil eum tanti hostis commonet, præter apestiam, nauseam, ructus flatum, torporem, et gravitatem membrorum, singularem  
ani-

animi dejectionem, & sublatam, vel  
 saltem imminutam cutis excretionem.  
 Postea prægressa horripilatione, &  
 calore subito dolor oritur potissimum  
 in pollice pedis nonnunquam etiam  
 in junctura calcanei, & tarfi, ab ini-  
 tio neque adeo validus, neque fixus,  
 sed successive continuo validior, castra  
 quoque firma ponit vexans ægrum  
 urendo, gravando, pungendo, mor-  
 dendo, lancinando, quasi ossicula tarfi,  
 matatarfi, vel phalangum dislocare ve-  
 lit, vesperi, & per noctem semper cru-  
 delior, tandem transacto nyctHEME-  
 ro ab ingressu paroxysmi mane circi-  
 ter hora secunda, vel tertia, dige-  
 sta, partimque difflata materia morbo-  
 sa remittit adeo, ut somnum capere  
 possit æger, ex quo expergefactus  
 insigniter se levatum sentit, partem-  
 que affectam madere, & tumere vi-  
 det. Sequenti die, si copiosior fuerit  
 materies podagrica, quam ut primo  
 paroxysmo vel difflari penitus, vel  
 deponi in tophum potuerit, dolor sed  
 remissior tamen remanet ea lege, quæ  
 in colica saturnina, venereis obtinet, ut  
 nempe exacerbatus vesperi, mane re-  
 mit-

mittat; idque per plures dies, immo per septimanas continuat. Absoluto paroxysmo in uno pede alterum idem dolor corripit, eodem modo fugandus; ita, ut habeas seriem paroxysmorum, qui simul sumpti constituunt integrum illum paroxysmum podagricum sæpe ad menses duos, & ultra extensum. Dum æger sanitati proximus est, pars prius tentata immaniter prurit, & desquamatur, quo factò, robur corporis, & sanitas sensim restituitur, firma manens, usque dum vere, vel autumno, vel utroque anni tempore idem hostis resumptis viribus ad longiora adhuc tormenta redierit.

Sic se habet podagra regularis; nunc etiam quædam de ejus anomaliis dicam. Podagra diu, sæpeque vexans succeſſive vires corporis deterit, partesque consuetas per depositiones tophaceas recipiendæ materiæ podagricæ ineptas reddit, quo factò, primo alios simul articulos petit, reliquam artritidis familiam sibi associans, tandem vero plane non deponitur ad articulos, sed ad nobiliora interna qualiacunque demum



mum viscera diversissimos, & periculosos admodum morbos fingens, quorum finis mors consueta podagricorum. Hinc anomaliae illae rariae, pro varia parte, quam sibi virus podagricum eligit: Delirium, phrenitis, ophthalmia, asthma, peripneumonia, pleuritis, gastritis, cystitis artritica &c. Hoc in casu vel nullus, vel multo levior in articulis sentitur dolor.

### §. V.

Prognosis hujus morbi pessima, si curabilitatem ejus spectes, nam ab omni tempore inter incurabiles reponebatur, quamvis forte non desperandum sit, si subiectum bonum, vegetum, sat juvenile, & recenter podagricum fuerit, medela quoque apta, & diæta stricta accesserit. Quoad periculum vero & habitum morbi observarunt 1<sup>mo</sup> Podagram, quo vehementior adfuerit dolor, eo breviori etiam paroxysmo terminari, longiorique interstitio gaudere. 2<sup>do</sup> Podagram non occidere, nisi retropressam, quam

quam hinc 3<sup>oti</sup> semper periculosissimam notant.

## §. VI.

Cura podagræ alia est extra paroxysmum & alia in paroxysmo; præterea hæc iterum subdividitur in curam podagræ depositæ, & in curam podagræ non depositæ, seu retropressæ.

I. Extra paroxysmum tota medicina eo dirigi debet, ut causis remotis occurratur. Hinc abstinencia a nimio exercitio Veneris, studiorum, & animi affectuum: consortium amicorum, qui menti hilaritatem conciliare valent: negotia seria, sed amœna, non nimis curis juncta, quibus & corpus, & animus perpetuo, sed non ad tædium, & defatigationem usque occupatur: moderatum exercitium corporis: obambulationes: equitationes vectiones in curru tempestate sicca, & cælo hilari; fuga otii, vini acidi, & intemperatæ gulæ, commestio talium rerum, quæ facile digeruntur,  
sive



sive ex regno vegetabili desumpseris, sive ex animali, sive ex utroque: ad prandium compotatio cerevisiæ tenuis bene lupulatae, vel aquæ frigidæ subjuncto dein, ut consuetudini sua dentur, uno, alterove vitrello vini generosioris, cum plenaria vini abstinentia in homine, qui ei adsuetus erat, plus mali, quam boni præstet: prudens attentio ad vicissitudines aeris præcipue consueta paroxysmi redeuntis periodo, ut suppressio materiæ perspirabilis evitetur: demum leniora tonica interpolatis, dum signa natæ saburræ id jubent, lenissimis eccopropticis e. g. electuario lenitivo, unica sunt, quibus pugnare oportet. Laudant hinc in eandem indicationem corticem magellanicum, ferrum, melius autem rheum, & ejus tincturam aquosam parce, & sæpius datam, aquas spadanas cum, vel sine lacte, genrianam Halleri, & totam classem amararum, quæ non nimio cum stimulo agunt.

Fuere qui summam spem in promota largiter perspiratione posuerint;

B

ve-

verum, quemadmodum omnis sapiens medicus summum usum attentionis debitæ in evitanda suppressione transpirationis agnoscet, ita perspiciet quoque facillime, violentam sudorum expressionem vires corporis deterere, sanguinem liquidissimis privare, efficereque ut potius sæpius, crudeliusque redire debeat paroxysmus, bona adhuc fortuna, si redeat, cum non minus detritis viribus, & viscositate humorum aucta anomalias invitare possit.

De resolventium quoque usu adeo celebrato mentionem facere debeo; laudant enim antimoniata, & quajacum præcipue ejus resinam, & tincturam inde paratam. Non negaverim resolventia ob viscositatem humorum in podagricis observatam indicari; verum id tantum moneo, plus spei habendum esse in methodo diætetica prius memorata, utpote quæ fontem malorum, primas vias, lente quidem, & succesive, sed absque omni periculo, & semper tamen cum aliquo bono effectu corrigit, quam in resolvente, præcipue spiritituosa, quæ ab optimis

mis practicis primis viis infensa agnoscitur, & præterea id incommodi habet, quod diu, uti debet, usurpata pessimis in tali subjecto inflammationibus, chronicis nempe, & latentibus complicatis cum viscositate pituitosa humorum ansam det.

Neque diætam lacteam, qua multos a paroxysmo per longissimum tempus immunes conservasse gloriantur plurimi, reticere hic possum, quæ, quamvis forte optima, si subjectum fuerit recenter podagricum, sat juvenile, robustum, & ob acrimonias usum lactis poscat, tamen pessime conducit, dum in reliquis non debita diætâ, neque exercitium corporis accesserit. Dolendum præterea, quod per diuturnum usum lactis solius, vel cum vegetabilibus tenerrimis, uti jubent, vires concoctrices adeo desuescant a reliquo nutrimento, ut dum homo tandem tædio simplicissimæ hujus diætæ correptus ad levissimam etiam sanorum revertitur, nil bene digerant, morbusque fractis induciis majori ad-

huc cum furore, & periculo miserum aggredi soleat.

2. In cura paroxyfmi ipsius optimus quisque medicus in id intentus est, ut materies podagrica quam citissime, & integre in articulos consuetos deponatur, amovendo impedimenta depositionis methodo non una simplici, aut specifica, sed diversa pro ipsa natura impedimenti. Hinc si videt subjectum debilius, senectute, morbo, vel quomodocunque labefactatum, vires vitæ depressas nimium, elevat cardiacis, stimulantibus, vinosis. Si in alio eadem vel orgasmo humorum, vel eorundem plethora, aut phlogosi exorbitent, eas deprimit V. Sectione, & potu emolliente tepido. Si vero febris alia complicata fuerit ex epidemia forte adscita, illi pro varia ejus natura medetur, inde est, quod lene diaphoreticum, mixtura sambuci e. g. si illa indolis rheumaticæ fuerit, solvens ecco proticum, purgans, aut emeticum, si biliosæ, depositionem sæpe integre absolverit. Neque partem ipsam

ipsam, in quam depositionem expectat, negligit, sed illam aptam reddit, & conservat ad excipiendam materiem fotu, cataplasmate, vel balneo tepido emolliente; abstinet autem a balneis frigidis, emplastris, unguentis pinguibus, resinosis adstringentibus, quæ omnia vel stimulo suo, & strictura impediunt decubitus materiæ in hanc partem, aut saltem poros obstruendo distensionem decumbentis, ut hinc paroxysmus saltem in longius protrahatur.

3. In cura podagræ retropressæ primum quod medicus agat, est, ut indaget in causas, quæ utpote diversissimæ diversam quoque methodum requirunt. Sunt autem imo Nimia quantitas, et moles materiæ podagricæ, quam ut in articulos deponi possit. 2do Articuli ita constituti, et destructi frequentia, vel crudelitate morbi, tophis, rigiditate senili, aut prava methodo, et adstringentibus, ut inhabiles sint recipiendæ materiæ. 3tio Vis vitæ nimium debilis ob senium, aut morbum sive prægressum, sive præsentem. 4to tandem peculiaris visceris ali-

cujus interni dispositio ad recipiendam materiem podagricam, quam inducit singularis débilitas ejusdem, aut quævis affectio morboſa jam præſens in eodem juxta illud Hypocratis: Morbus ibi figetur, ubi antea jam aliquid ægrota-  
verit.

Noſcis autem materiem podagricam recurriſſe, aut non deſiſſam eſſe ex ſequentibus ſignis: 1mo ſi oborto jam dolore podagrico, ſed leviori, quam alias conſueverat, in alio ſimul viſcere morbus ſeſe manifeſtet, quomodocunque larvatus. 2do ſi debite ſæviens paroxyſmus ceſſet plane nullo in articulis relicto dolore, dum interrim vel colica vel cardialgia, vel quicunque alius morbus immediate ſubſequitur. 3tio In caſu illo triſtiſſimo, ubi vocatus ad ægrum diriffima ſymptomata vides tentati alicujus viſceris, quin leviffimus dolor articularis ſuſpicionem artritidis tibi moveat, conjicies illam ex ſubjecto podagrico, et tempore, quo alias paroxyſmus invadere ſolebat.



Curam podagræ retropressæ secundum differentias causarum præcipue tribus capitibus complector. Vel enim 1<sup>mo</sup> vires vitæ in justo modamine sunt, et causa retrocessionis solummodo hæret in articulis. Vel 2<sup>do</sup> vis vitæ languet nimium. Vel 3<sup>tio</sup> eadem exorbitat phlogosi aut orgasmo humorum. In primo casu interne indicantur infusa lenissime diaphoretica, et attenuantia, externe ad locum confectum scopo derivante balnea, cataplasmata, et fomenta emollientia. In secundo externe balnea, cataplasmata, et fomenta stimulantia, irritantia, sinapismi, inunctiones ferro candenti factæ, urticationes, cucurbitæ siccæ, vesicantia &c. interne illa omnia, quæ vires vitæ erigunt, hinc tota classis stimulantium, et sudoriferorum. Contraria prorsus methodus tertio in casu obtinet, dum vires vitæ exorbitant; tunc enim sola methodus antiphlogistica spem medici non fallit; hinc adhibere oportet v. sectiones etiam iteratas, si phlogosis, aut plethora id poscat, emollientia, inviscantia interne tepide hausta, enemata, cataplasmata, et balnea ejus-

dem naturæ externe applicata , tali enim statu ægri virus podagricum in viscus aliquod decumbens vices stimuli phlogistici agens veram inflammationem producit, qua sua methodo absterfa, aut saltem plurimum mitigata primum licet derivantibus materiem in loca confveta avocare.

## VII.

Ultimo disquiram methodos quasdam magis usitatas, ut quantum valeam, determinem casus, in quibus cum nocumento, vel cum emolumento adhibentur.

1. Quidam in omni paroxysmo podagrico volunt conamen naturæ adjuvare stimulantibus, vinosis; verum utut in debilitate senili hæc sola methodus votis respondeat, in juvene, plethorico, robusto certe nocet, sequentes saltem paroxysmos graviores, & longiores reddens.

2. Alii opio utuntur, utpote citissimo, & potentissimo diaphoretico; egre-



egregie quidem, si ob spasmos undecunque natos materies podagrica in corpore retineatur, & illud exigua dosi per unum, alterumve granum scopo jam dicto detur; sed pessime si diutius ejus usus proatrahatur; nam quamvis forte hac methodo materies ad artus expelleretur, tamen relicta debilitate intestinorum, imo aucta, quod de opio certum est, major quantitas ejusdem extricabitur, ut inde graviores paroxysmos reddi necesse sit.

3. Alii in, ante, & post paroxysmum sæpius cataplasmatibus, & balneis emollientibus utuntur; non adeo bene, credo; etenim, quamvis sub ipso paroxysmo, ubi ingens tensio partium adfuerit, optime conveniant, tamen nocent scopo prophylactico partem, cui applicantur, debilitando, tonumque destruendo, ut inde quidem facilior descensus materiæ, sed difficilior longe diffusio ejusdem sequi debeat.

4. Quorundam methodus est, ut omnem paroxysmum podagricum curent

curent, uti febrim inflammatoriam, ubique V. Sectionem celebrantes. Verum quid inde in senili subjecto, aut per morbum debilitato oriri debeat, videt quisque; dolores nempe mitiores quidem, sed longiori tempore affligent, tandemque plane non deposita materie anomaliis cedent.

5. Anglorum quidam ad podagricum vocari, sive videant temperamentum ægri plethoricum, sive aliunde metuant inflammationem, sanguine e vena misso propinant ξj vel ξij mannæ ina qua menthæ solutas adjecto Sale, & rheo. Ad sopiendos nervos, qui per purgantia in podagricis facillime irritantur, adhibent castoreum, vel vero bolum pro maxima parte ex moscho paratum, præcipue si materies altero die nondum deposita fuerit. Si summus dolor simul adest, addunt quoque opium, sed parcissima dosi, ne primis viis infensum noceat. Postquam depositio facta est, omni studio adlaborant, ut cito proliciatur materies, quod efficiunt cataplasmata ex mica panis, lacte,

---

te, & theriaca Andromachi facta, vel si major debilitas, & inertia partis observetur, etiam vesicantibus. Fini-  
to paroxysmo leni cathartico ex classe roborantium e. g. tinctura rhei-  
vinosa, reliquias morbi per alvum sub-  
ducunt, quo facto demum pro cura confirmatoria ad corticem, & reliqua roborantia accedunt.

---

---

# T H E S E S.

## I.

**D**iæta debita, moderatum corporis, & animi exercitium cum prudenti lenium, solum stomachicorum usu in podagricis plus efficiunt, quam omnis reliqua medicamentorum farago.

## II.

Exulent spirituosæ, excepta parca vini generosioris quantitate, si homo eidem nimium jam adfuetus erat.

## III.

### III.

Diæta lactea debite, & sat longo tempore instituta paroxysmos suspendit, non vero morbum ipsum destructa causa proxima tollit.

### IV.

Nam dum homo tevertitur ad sanorum diætam, mox iterum majori cum furore morbo corripitur, quem fugatum credebar.

### V.

Miasma morborum contagioforum non miasmati vago, itineranti de regione in regionem, sed functionibus naturalibus, & vitalibus per causas morbi gravissimas ita mutatis, ut vitæ pessima illud producant, originem suam debet.

### VI.

## VI.

Credo enim easdem causas, quæ mitiores aliquibus in locis epidemias putridarum producunt, aliis in locis graviores, pestem invitare ;

## VII.

Quæ ultra terminum causarum præsentium, quamvis contagio illuc delata, difficilius propagatur, propagata mitius affligit, faciliusque extirpatur, quam illo in loco, ubi causæ actu vigent.

## VIII.

Summi usus in medicina est analogiæ febrium studere.

---